



UPA 2017/132
Nuuk 24. april 2017
Debora kleist

Inuit Innarluutillit illersuisaat pillugu Inatsisartut inatsisisaat nr.xx,xx xxx 2017-imeersoq.

(Ilaqutariinnermut, Naligiissitaanermut, Isumaginninnermut Inatsisinillu atu-
utsitsinnermut Naalakkersuisoq)

Inuit Innarluutillit illersuisoqalernissaanik UPA 2016-imi siunnersuuteqarneq aallaavigalugu Inuit Innarluutillit Illersuisuat pillugu Inatsisissamik siunnersuuteqarneq nuannaarutigaaqput.

Minnerunngitsumik Naalakkersuisut pingaartimmassuk Naalagaaffiit Peqatigiit Inuit Innannarluutillit pillugit isumaqatigiissutaata siunnersuumi qitiutinnermat qujamasuutigaaqput.

Nunatsinni inuit innarluutillit tarnimikkut napaateqartut, allatigulluunniit timimikkut sanngiillisimasut pisussaaffigaarpugut, akisussaaqataaffigalugillu sapinngisamik inuup innarluteqartup ulluinnarni nalinginnaassumik inooqataanissaanut aqqutissiuuseqataasalluta.

Inuit innarluutillit illersuisussaata pisariaqartinneqarpoq, ullumikkut inuit innarluutillit atugarisaannut ikorfartuinnermi, pilersarusiornermi allarpassuutigullu eqqumaffiginngisatsinnik, ilisimasaqarnerulernissatsinnullu illersuisoqarfik pingaarutilimmi inissimalissamat.

Minnerunngitsumillu illersuisoqarfimmik pilersitsinerup kingunerisussaavaa, inuit innarluutillit oqariartuutaannik apuussisoqartarnissaa, aammattaaq inuit innarluutillit pisinnaatitaaffiisa illersorneqarnissaat suli annertunerusumik qulakkeerneqartussaavoq.

Illersuisoqarfiup suliniutissaasa ilagaat, Inuit innarluutillit ulluinnarni atugaat pillugit suliniuteqarnermi ineriartortitsinnermi, ilisimasanillu ingerlatitseqqinnermi tamatsinnut siammarterisussaaneq, inuit innarluutillit atugarisaasa aammalu periarfissaasa suli ajunnginnerusumut ikorfartorneqarnissaat anguniarlugu.

Kiisalu kaammatuutigersunarpoq sulinnermi inuit innarluutillit, qanigisaasut aamma innarluutilinni suliassaqarfimmi soqutigisaqatigiit ilanngullugit qaninnermut suleqatiginnerarnissaat, akuutinneqartarnissaallu.

Inuit Ataqatiginiit qujarupparput aammalu iluarisimaarparput, Inatsiissami uani inuit innarluutillit illersuisussaannik pilersitsinermi, Meeqqat illersuisuatulli suleriaaseq ingerlanneqartussatut isikkoqarmat.

Taamatullu oqaaseqareerluta Inuit Ataqatigiigiit inatsisissatut siunnersuut ta-perserlugu, aappassaaneerneqannginnerani Ilaqutariinermut Peqqissutsimullu Ataatsimiititaliamut ingerlateqqipparput.